

之寶

皇明恩命世錄卷之七

皇明恩命世錄卷之八

四十八代大真人張彥頤

弘治十四年

詔隨父入朝

上御欽安殿召見

命坐賜宴及玉帶綠衣之屬

錫詰授正一嗣教致虛冲靜承先弘化大真人掌天下道教事

正德三年

命給度牒五百度羽士

修建大上清宮勅

勅內官監太監李文龍虎山清宮毀壞

先帝常有旨修蓋後因地方多事未曾舉行

近該正一嗣教真人張彥頤奏乞蓋造今

特命爾前去彼處會同江西鎮巡等官督

同都布按三司委官人等提督修蓋其合

用物料人力相工派辦務要照依舊式使

規模得富財物堅固毋得遲延歲月虛費

錢糧且江西地方人民艱窘盜賊未寧爾

尤宜持廉秉公安靜行事戒飭下人不許

因而優剋科害致生嗟怨斯為爾能如違

責有所歸爾其慎之慎之故勅

廣運

正德三年六月十二日

之寶

七年

命陪祀泰壇

十五年

上南狩或言牛首山後湖各有妖

召見于行在所

命往除之

駕還京

嘉靖元年

召問對以清心寡欲稱

旨特准還山請太上延禧諸階法錄以

進

三年

詔聘安遠侯柳文之女為繼室

命留都內外守備官陪往親迎

五年

加封大真人誥

天承運

皇帝制曰朕紹膺休命祗率舊章惟治化之誕敷亦玄宗之不廢爾正一嗣教致虛冲

靜承先弘化大真人張彥頌裔出炎漢道本周肅符籙得於真傳鍊養契乎樞要念陰承之既久奔走惟勤嘉感格之通靈禱穰多驗茲特封為懷玄抱真養素守默葆光履和致虛冲靜承先弘化大真人掌天

嘉靖五年二月初三日

之寶

加封勅

勅正一嗣教大真人張彥頌今特加封爾為懷玄抱真養素守默葆光履和致虛冲靜承先弘化大真人掌天下道教事給與誥

命以為爾榮其上清宮道士傳德岩邵啟

南著做大真人府質教余永壽唐望奎著做掌書各令到任管事爾宜仰遵朕命恪守清規以祈福佑於悠久仍鈐東各官令其公勤愨事不致怠忽廢弛庶副崇重之意欽哉故諭

廣運

嘉靖五年二月十五日

之寶

命祈禱于太和山勅

特諭正一嗣教大真人張彥頌今朕命爾前

玄天福地修建清醮一以為國大本一以為民祈福爾務精一乃心恭虔致恪尤須鈐束下人及差去蓋府官員爾亦斟酌調理

被所占地址就量復原舊惟在謹慎用心勿怠乃事庶副朕至意亦於教門有光欽哉

廣運

嘉靖五年二月十六日

之寶

重建大真人府第勅

勅內官監左少監吳猷近因正一嗣教大真人張彥頌奏稱先年府第已壞乞要差官起造今特命爾前去彼處依式樣督工上

書字卷三

緊蓋造合用錢糧令彼處巡撫巡按三司等官措置應用人夫於鄰近州縣派撥到彼做工爾須計算工料如法整理務要堅實尤宜秉公持廉安靜撫卹匠作軍夫人等俾各食息以時勞逸遠均而皆樂於趨事斯為爾能毋得因而科擾致人嗟怨如違責有所歸爾其如勒奉行故勅

廣運

嘉靖五年三月 日

之寶

本年五月

欽須神像并賜印記諭司禮監太監鮑忠傳奉

聖諭以所奉三清四帝列曜神像著吳猷齋去龍虎山大真人府萬法宗壇安祀併賜

銀錢寧法仙卿之印一顆牙刻宗傳之印一顆欽此

詔戶部查復上清宮田糧侵匿于豪民者降勅禁護

本年

元陽帝君親筆書復

書三

五

師真幕前茲自二月師回建醮于武當山一向未聞信回今八月十八日得致一真人轉到師書一封知其遠涉暑天勞辛路次予復觀之又知師以犯人陳某欲予宥

他但罪甚矣予已知之師可攝養時序以迎和氣惟大闢玄妙之功弘彰利國之奧誠以格天佑子皇圖永綿萬世也予亦奉天以敬體道以德勉作政教耳又倘武當山宮觀處或至理丹冊法書神物勞師訪

與遂予慕道之誠心也今因使還持此以復惟師知之

嘉靖五年中秋復四日

六年

元陽帝君書奉茲者去歲命師躬詣

萬法祖師福地安神修醮并靜樂宮建祈嗣齋深勞真體予正思間而左至靈吳尚禮七月終至京得聞師建醮事畢回幕繼而舍人張顯等於九月方到京承以福地珍產靈物等項予謹收已今因使回特令

持以意誠往答又蓋造法壇府第有司慢毀不遵予命欺侮法度今已令上緊蓋造即日回話惟師暫屈仙仗以待工完日回居舊府惟師知警

嘉靖六年九月吉日

七年

命陪祀星辰壇

十一年

重修大上清宮勅

勅內官監左監丞曹玉江西龍虎山上清宮

書三

六

殿宇年久損壞即上緊修理完備其勅建仙源宮照依降去圖樣如式蓋造務各基址堅固棟宇壯實以圖永久用稱朕事神之至今特命爾前去會同彼處撫按官督同該司府等官查照先年事例一併修

造合用物料夫匠錢糧悉照該部題准事理慶置應用務要綜理周密區畫得宜爾為內臣受茲委任尤須持廉秉公安靜行事撫卹匠役人等俾食息以時勞逸適均樂於趨事斯爾之能毋得因而縱容科擾

役占刁證需索致生嗟怨自取罪愆事完將修蓋過殿宇支用過錢糧數目造冊奏繳爾其慎之故勅

廣運

嘉靖十一年三月初七日

之寶

十四年

准照舊蠲免通戶差徭旨

該戶部欽奉

聖旨正一大真人不是今日的我

書三

七

皇祖已有恩旨所奏都准他有司不許欺慢你每但知費公爾且不查究

特命悉蠲之

十六年

提問沿途違慢官吏旨

聖旨張彥頌總領道教赴京朝賀先朝屢有
明旨著沿途有司應付各該地方官吏如
何不行支給著巡按御史查提了問巡撫
官且不查究今後務要嚴加戒飭軍衛有
司一體應付不許違違慢事該衙門知道

本年

命折雪于内庭

賜金冠玉帶法器銀幣之屬

十七年正月

命建金籙大齋于

内皇壇賞賚有加

命沿途衙門照例應付勅

勅正一嗣教懷玄抱真養素守默葆光復和

致虛冲靜承先弘化大真人掌天下道教

事張彥頌得爾奏稱每三載依例朝覲沿

途經過有司衙門不肖照例應付以致道

路多阻赴朝失期先年奏有明旨又復違

背等因茲降勅旨以護爾凡爾朝賀等項

來京往迴經過處所軍衛有司驛遞等衙

門即便照例一體應付不許留難敢有仍

前怠慢慢事聽爾指實奏聞處治其欽承
之故勅

廣運

嘉靖十七年二月初四日

之寶

本年

命往齊雲巖修醮敕

勅正一大真人張彥頌往歲嘗命真人李得

晟恭詣齊雲巖北極真武神祀建醮禱嗣

果復靈應今特命卿詣彼虔修齋醮一以

謝神一以上祈毋壽事畢卿還山看隨去

高士聶一然回奏卿經過去處軍衛有司

驛遞等衙門即便照例應付不許欺慢留

難如有不遵勅旨故違慢事者聽卿奏聞

處治故勅

廣運

嘉靖十七年二月十九日

之寶

十八年

准奏齊雲山如太和山例除官道住持管理

賜神官名曰玄天太素宮仍免本山香錢解

京降

勅禁護

聖母升遐示哀手書

象一帝君書奉

正一嗣教張真人墓下子真積深愆不自

惟上喪

慈親於戊戌之十二月四日徒裂五內之已

矣復於南幸親視

陵園人處是時可不重傷耶况

母壽未臻于中淹患連歲以朝繼夕以夕繼

朝指望安復何期

二聖同棄我哀哉聊書于苦衷以告哀餘不

備師其亮我云

元陽

嘉靖十八載孟秋吉日象一拜

實記

賀生子書

象一帝君書奉

正一師昨日得聞

天壽養于

宗領

道嗣開源予喜不已頃且夕保視茲使回
順令持物為賀至可收納不備

元陽極

已亥歲季冬吉日象一書奉

象一帝君寶

十九年

暫免入朝勅

皇帝勅諭正一嗣教大真人張彥順

朕惟我

皇祖之制天下大小衙門官員凡三歲一朝
覲卿亦在與焉重爾教也今年又當其期
朕念卿中年方得一子矧在襁褓或難遠
離特遣行人黃如桂往諭今次特暫免卿

來俾卿得專守視見朕保慎爾嗣之意

卿其欽承之哉故諭

勅命

嘉靖十九年五月初五日

之寶

二十一年

贈朱氏宋氏玄君誥

奉

天承運

皇帝制曰母之於子既均教育之勞君之於

臣必體顯揚之願事有關於風化恩豈限

於常科爾朱氏乃已故太師無太子太傅

成國公儀之女今正一嗣教大真人掌天

下道教事張彥順之嫡母勳門毓秀宦族

揚芬行儉且勤性柔而正相夫敦清微之

妙教子敦玄素之誠邦國藉以祝釐羽風

因之丕闡爰推懿訓用錫綸章茲特贈為

端柔順德玄君錫之誥命貴光寵於九原

行休聲於百世

制曰子以母賢信慶源之有自母因子貴宜

恩典之是加顧茲玄教之臣可懷褒嘉之

命爾宋氏乃錦衣衛指揮使清之女今正

一嗣教大真人掌天下道教事張彥順之

生母暨縵茂株閣名家賦性溫柔克著儉

勤之德持身端謹式賢清靜之風揆厥所

由宜申褒錫茲特贈為柔慈崇善玄君錫

之誥命服此隆恩永光泉壤

制誥

嘉靖二十一年三月初九日

之寶

贈李氏吳氏柳氏為玄君誥

奉

天承運

皇帝制曰褒崇之錫以報賢勞恩命之須實

旌賢淑此朝廷之著典也正一嗣教大真

人掌天下道教事張彥順妻李氏乃襄城

伯郎之女系出勳門早歸玄族克修婦道

懋著賢聲爰推寵異之重實體爾夫之請

茲特贈為冲虛柔惠玄君錫之誥命敬服

殊恩光爾幽室

制曰臣有事君之誠褒崇宜厚婦有從夫之

義寵命惟均風化所關存亡奚間正一嗣

教大真人掌天下道教事張彥順繼妻吳

氏乃錦衣衛指揮琮之女蚤承姆訓作配

名門淑慎有儀柔嘉維則陰翊玄教俾益

良多茲特贈為安妙善常玄君錫之誥命
冥漠有知承此優眷

制曰朝廷推恩臣下必褒榮其妻所以厚人
倫之本勵相成之道也正一嗣教大真人
掌天下道教事張彥頌繼妻柳氏乃安遠

書三

十二

侯文之女出自勲門于歸宦族性資淑慎
容止柔嘉默相玄風式彰今聞茲特贈為
莊惠志道玄君錫之誥命靈爽如存歆承
渥命

制誥

嘉靖二十一年三月初九日

之寶

本年

命給部牒五百度羽士
勅江西巡撫禁約撫州民私造偽錄

二十二年

再免入朝勅

皇帝勅諭正一嗣教大真人張彥頌

朕惟我

皇祖之制天下大小衙門官員凡三歲一朝

觀卿亦在與焉蓋以卿教宗之後故重之
也前歲朕念卿子幼免來今年又當其期
卿子尚難遠離特遣錦衣衛百戶喬鑑齋
勅往諭再暫免卿來朝俾得專守視見朕
保慎爾嗣之意卿其欽承之哉故諭

書三

十三

勅命

嘉靖二十二年五月十五日

之寶

二十八年

詔携嗣子入朝比至都門

上遣太監高忠傳

諭慰勞齋賜嗣子衣帶明日
召見

錫宴便殿

命錄歷代真人名諱進

覽

上親灑宸翰賜曰卿子名可曰永緒

准奏致仕

紹永緒嗣教襲爵

三十九年

特賜侯爵例祭塋卿典諭

聖諭朕正思於二月差官免正一大真人來

朝俾其侍親弗期昨仲冬伊父故美著照

侯爵例給與塋資齋麻布一百石疋祭

十三壇便行文所司遵行仍差千戶一員

行人一員去諭免嗣真人來朝并督視掌

行喪禮該部知道

詔遣行人司行人李琦

諭祭同錦衣衛千戶王正億督視掌行喪禮

旗校二十名偵察違慢員役

勅下該部如儀以弋陽縣城東壘山書院遷

改為塋地復

詔遣錦衣衛千戶溫克民督催原差官役作

速如侯爵例禮數造完塋

諭祭十三壇文

書三

十四

嘉靖四十年 月 日

皇帝遣行人司行人李

諭祭正一嗣教大真人張彥頌受國恩嗣

領道教存神淵默養性冲虛祝釐為民宣

勞著績以時入覲簡在朕心式重高風屢